

Payí Poro Tesaronaika ŋweáyí náni ríwíyo eaŋínarini.

Payí rina Jisasoyá siyikí imónigíá aŋí yoi Tesaronaika ŋweagiáyí náni Poro ríwíyo eaŋínarini. Ayí payí Poro xámi neari wiowáriŋina nimearo íá niroro aiwi sini diŋí xerŋwíni nimoro “Jisaso aŋínami dáni rixa weapiŋírini.” niyaiwiro wáyí nero ŋweaŋáná ámá wí Poromi api náni urémeáagía o síá Jisaso aŋínami dáni weapíníáyí tíŋíná imóniníápi náni pírániŋí uréwapiyiminiri payí ámi rina eaŋinigini.

1 ¹ Poroní t́ni Sairaso t́ni Timotio t́ni none Jisasoyá siyikí imónigíá Tesaronaika ŋweáyíné —Seyíné negí ápo Gorixo t́ni Áminá Jisasi Kiraiso t́ni nawíni ikárinigíáyínérini. Seyíné náni payí rina neari mónapariŋwini. ² Ápo Gorixo t́ni Áminá Jisasi Kiraiso t́ni awaú wá seawianiri seyíné niwayiróniro ŋweapíri náni seairi éisixini.

“Seyíné náni Gorixomi yayí wiarinŋwárini.” uriní nánirini.

³ Negí níríxímeáyíné, seyíné Jisasomi diŋí niwikwíróróná diŋí mimixéá ámi xwapí ayá wí t́ni niwikwíróa uro xixe diŋí sipí niniro arirá inarigíápi wí ṕni miwíarí sini ámi bi t́ni bi t́ni néra uro yariŋagía náni none kikiíá ŋweapaxí mimóniŋwini. Sa seyíné náni Gorixomi yayí wipaxí imóniŋwini. “E neranéná ayí xixeni imóniŋípi yariŋwini.” neaimónarini. ⁴ Seyíné e yariŋagía náni siyikí Gorixoyáyo wáí nurimeranéná seyíné náni mixí re seameakínariŋwárini, “Xeaniŋí wikáriro rikikirió wikáriro wiaríná aí xwámámí niwiro sini Jisasomi diŋí niwikwíróa wariŋoi.” urariŋwárini.

Gorixo ámáyo píri numamoríná eníápi nánirini.

⁵ Seyíné e yariŋíápiimi dáni ripi wíá neaónini. Gorixo ámáyo mí ómómiximí niwiri wigí egíápi t́ni xixeni wiiníápi náni diŋí nimoranéná “Apániríani?” yaiwipaxírini. Ayináni seyíné oyá xwioxíyo ŋweáwaniginiro yaríná xeaniŋí sealkárariŋagía náni o seyíné náni

re ráriniárini, “Ayí anani nioni t́njí e ɲweapaxýrini.” ráriniárini. Api seyíné yarigiápimi dáni wíá neaónini. ⁶Ai Gorixo áamá xeaniɲí seaikárarigiáyo pírfi numamori xeaniɲí axípi wíaná “Ayí xixeni imóniɲípi ní ría yarini?” yaiwianíwárinini. ⁷Xeaniɲí seaikárarigiáyo pírfi níwialkímori kikiíá seyíné seaɲwiráririni none neaɲwiráririni yariɲagi níwiniranéná “Ayí eni xixeni imóniɲípi ní ría yarini?” yaiwianíwárinini. Áminá Jisaso siɲáni piaumimí niniri xegí aɲínají ení eániɲíyí t́ni aɲínami dáni níweapíríná ríá ápiáwí xwé aípinaɲwí yariɲípi t́ni xixeni e eníárinini. ⁸E neríná áamá Gorixo náni diɲí mimopa ero xwiyíá negí Áminá Jisaso náni yayí neainariɲípi míxídi aríkwíkwí ero yarigiáyo pírfi umamoniárini. ⁹Ámá ayo wigí egiápi náni xwiriá níwikixeri pírfi numamoríná seáyi e xío xegí ení eániɲípi dáni imóniɲípi “Xe siɲwí onanípoyi.” miyaiwí xegí símimaɲí t́njí e dáni aníɲíni wieawárinini. ¹⁰Negí Ámináo áamá xíoyáyí imónífrixiniri wiɲípi dáni seáyi e umíeyoaro diɲí wikwíroarigiáyí níni miɲí siɲá weániro oépoyiniri aɲínami dáni níweapíríná pírfi e umamoniárini. Seyíné míkone repíyí eɲwápi diɲí níkwírooro náni íná seyíné eni ayí t́ni nawíni omi seáyi e umepíríárinini.

Poru Gorixomi rixiɲí wuriyɲípi nánirini.

¹¹Ámináomi seyíné seáyi e umepíríá eɲagi náni íníná seyíné náni Gorixomi rixiɲí seauriyariɲwárinini. Gorixo e imónífrixiniri wéyo íá seaumiriɲípi t́ni xixeni ayo seaimixíwiniginiri seauriyariɲwárinini. Naɲí imóniɲípi oyaneyiniri seaimónariɲípi nípinini t́ni Jisasomi diɲí níwikwírooro náni wíniyo saɲí urápaneyiniri seaimónariɲípi t́ni apiaú t́ni xixeni epíríá náni xegí ení eániɲípi t́ni seaimixíwiniginiri seauriyariɲwárinini. ¹²E neriɲípi dáni seyíné omi seáyi e umíeyoaro xío eni seyíné seáyi e seamíeyoari inipíríá náni Gorixomi seyíné náni e seauriyariɲwárinini. O t́ni Áminá Jisasi Kiraiso t́ni wá seawianigí eɲagi náni xixe seáyi e míeyoánípíríárinini.

Xwiyíá xórórí yariɲo náni uriɲí nánirini.

2 ¹Gí nírixímeáyíné, xwiyíá re riniɲípi, “Negí Áminá Jisasi Kiraiso ámi weapaná nene o t́ni nawíni awí eánaníwárinini.” riniɲípi náni rípi érixiniri yariɲí oseaimini. ²Kwíyí bimi dánirani, xwiyíá áamá yaɲí wiowáriá bimi dánirani, payí “Porowa nearo wárenapigíápirini.” rariɲí bimi dánirani, ayá nísearemori re riniɲánáyí, “Sía Ámináo weapiníyí rixa imóniɲírinini.” riniɲánáyí, sini mé diɲí úpíríxá níseapeyiri ududí míseainipani. ³Ámá wo aí pípi dáni yapí oneaíwapiyiniri siɲwí míwinipa érixini. Xámi áamá obaxí Gorixomi maɲí xowiaíkmí wiro áamá xwiyíá xórórí yariɲo piaumimí iniri nemáná eɲáná ayí ríwíyo síá ayi imóniníá eɲagi náni rariɲini. Ámá xwiyíá xórórí yariɲo Gorixo

wanínimixiniŋorini. ⁴ Gorixomi aninjí símí tñi wiarinŋorini. Pí pí ŋwíá áamá nimixiro meŋweaarigiápirani, pí pí kwíyí áamá diŋjé uŋwirárarigiápirani, paimimí nimeri xewaniŋo ayo seáyi e míeyoániniárinini. E neríná aŋjé Gorixo náni ridiyowá yarigiáwámi nipáwiri áamá obaxí siŋwí anigé dáni éi niŋweámáná xewaniŋo re urininiárinini, “Niiwaniŋoni Gorixonirini.” urininiárinini. ⁵ Xámi nioni sini seyiné tñi niŋwearíná api náni seariŋápi sini diŋjé miseainarinirani?

⁶ Ámá o Gorixo xe piaumimí iníwiniginiri ipimoáriŋiná imóniníe náni agwi sini omi bi wakirímixini. Omi wakirímixiniŋipi náni seyiné nijíárinini. ⁷ Obo áamá obaxí maŋjé Gorixoyápi xórórí oépoyniri ínimi dáni rixa niwíwapiya warinŋagi aí omi wakirímixariŋipi Gorixo emi mamoníe náni niwakirímixa uníárinini. ⁸ Xíomi wakirímixariŋipi Gorixo niyoámáná eŋáná xwiyíá oyápi xórórí yariŋo sini ínimi mimóní rixa siŋáni piaumimí ininiárinini. Omi Áminá Jisaso niweapiri sogwíniŋjé pipirí neriŋipimi dáni saminjé niwimixiri xegí madiŋipi tñi pikiniárinini. ⁹ Xwiyíá xórórí yariŋo rixa siŋáni nimóniri niŋwearíná Seteno xewaniŋoyá eŋjé sixí eániŋipimi dáni eŋjé sixí weámixiniá eŋagi náni o ámayí “O Gorixoráni?” oniaiwípoyniri yapí niwiepisiríná emimí ayá wí eri áamá ayá riwamónipaxípi eri eníárinini. ¹⁰ E neríná áamá anínaniro yarigiáyo xegí uyíniŋjé neriŋjé bi bimi dáni yapí wíwapiyíáná xewaniŋo e oniaiwípoyniri yariŋipi tñi xixeni wiaiwipíríárinini. Ayí re miwimóní, “Gorixo yeáyí neayimixemeaníá náni xwiyíá Jisaso náni nepaxinjé imóniŋipi aríá owianeyi.” miwimóní ríwí umogíá eŋagi náni xwiyíá xórórí yariŋo yapí wíwapiyipaxírini. ¹¹ Ayí ríwí umogíá eŋagi náni Gorixo diŋjé xejwí omópoyniri wimixaríná xwiyíá xórórí yariŋo pí pí yapí wíwapiyiniápi aríá niwiro ayá síwí uróagi “Neparini.” yaiwipíríárinini. ¹² Ámá xwiyíá Jisaso náni nepaxinjé imóniŋipi diŋjé mikwíró wigí sipí imóniŋipi yaniro náni diŋjé níá winiŋíyo Gorixo xwiyíá umeáriníá náni diŋjé xejwí omópoyniri wimixiniárinini.

“Searéwapiyinjwápi xaíwí íá xirírixini.” urinjé nánirini.

¹³ Negí nixixímeáyíne, Áminá Jisasi Kiraiso wá seawianiŋíyíne, seyiné náni kikiíá ŋweapaxí mimóniŋwini. Sa seyiné náni íníná Gorixomi yayíni wipaxí imóniŋwini. Gorixo xegí kwíyípimi dáni siyikwí mínigíáyí oimóniŋpoyniri seaimixiri seyiné xwiyíá nepaxinjé imóniŋipimi diŋjé ikwíro yariŋigápi dáni yeáyí uyimixemeámániri eŋíná dáni íá yiyamiximí seaiŋjé eŋagi náni omi yayíni wipaxí imóniŋwini. ¹⁴ Gorixo seyiné api imónírixiniri xwiyíá yayí neainariŋjé nene wá seariŋwápi dáni wéyo íá niseaumiriríná negí Áminá Jisasi Kiraiso níkiniri seáyi e imóniŋpa seyiné eni bi e imónírixiniri wéyo íá seaumiriniŋjé.

¹⁵ Ayináni negí nixixímeáyíne, eŋjé sixí níniro xwiyíá riréwapígí inariŋwá maŋíyo dáni searéwapiyinjwápirani, payíyo dáni searéwapiyinjwápirani, xaíwí íá nixira úrixini.

16-17 Negí ápo Gorixo — O wá nineawianiri íníná ení sixí ímixinaníwá nání neaimixiri ayá ninearimixiriñípimi dání awiaxí xío neaiiníápi nání weníñí neri ñweaníwá nání neaimixiri eñorini. O tñni negí Áminá Jisasi Kiraiso tñni awau ení sixí seaímixiri seyíné pí pí xwiyíá naní imóniñípi riro pí pí naní imóniñípi ero epíría nání seaímixiri éisixini.

“Gorixomi rixiñí neauriyírixini.” uriní nánirini.

3 ¹Negí nixixímeáyíné, payí rina yoparípi nearíná ripi osearimini. Xwiyíá Ámináo nání wái rimeariñwápi yaní niwéa nuri seyíné egíápa ami ami yayí tñni aría wipírí nání Gorixomi rixiñí neauriyírixini. ²O ámá nipikwini mimóniñípi ero sipí ero yarigíáyí xeaniñí neaikáraníro yarigíápimi dání éi oneamíniniri ení rixiñí neauriyípoi. Ámá níní omi diñí miwikwíroarigíáyí eñagi nání rariñini.

³Negí Áminá Jisaso ámá ikwiárinipaxípi yariño eñagi nání none re neaimónarini, “O ení sixí seaeámixiri sipí imóniño — O, ayí oborini. O xwiríá seaikixeniginiri éi seamíniri eníárini.” neaimónarini. ⁴Ámináoáyá diñíyo dání seyíné nání re niyaiwirane diñí síñá neaeánarini, “Sekaxí none uriñwápi wí píni miwiáarí agwi xixeni xídiro ríwíyo ení xixeni nixída uro epíríárini.” niyaiwirane diñí síñá neaeánarini. ⁵Seyíné “Gorixo nepa wá neawianariñoríani?” niyaiwiróná nijíá ámi bí tñni imóníro Kiraisomí sipí wáná ení sixí níniri xwámámí wiinípa ero epíría nání Ámináo yayíwí seaméwinigini.

“Aiwá nipírí nání omiñí éírixini.” uriní nánirini.

⁶Negí nixixímeáyíné, Áminá Jisasi Kiraiso nearowáriñone eñagwi nání sekaxí ripi osearimini. Séríxímeá giyí giyí riréwapígí inariñwá none searéwapiyíñwápi mixídí miyunipa neri kikiíá yarínáyí, ayí tñni gwiaumí minipani. ⁷Ayí ripi nání sekaxí api searariñini. Pípi xídipaxíyíné maríái, none seyíné tñni niñwearanéná siñwepígí seaíwapiyíñwápimi xídipaxíyíné eñagi nání seyíné nijíárini. None wí nipíreániri mé memenwanigini. ⁸None aiwá wí siwiá misearápaniñwanigini. Aníñí miseaikáripa éwaniginiri áríwiyínáraní, ikwáwiyínáraní, ríwí niríkwínimáná niñwí omiñí ría tññí aníñí miní neriñípimi dání bí nerane niñwanigini. ⁹“Aiwá anipá minearápanipaxawa imóniñagía nání e egíawixini.” riseaimónarini? Oweoi, seyíné siñwepígí seaíwapiyíñwápimi xídírixiniri e eñwanigini. ¹⁰Seyíné nijíárini. None sini seyíné tñni niñwearanéná sekaxí re searayiñwanigini, “Ámá ‘Omiñí mepa oemini.’ wimónarigíáyo aiwá miní miwipa éírixini.” searayiñwanigini. ¹¹“Poró pí nání ría e neararini?” miyaiwipani. Segíyí wí nání xwiyíá re rinariñagi aría niwirane nání rariñwini, “Wí omiñí mé siñwí niyápirómí nemeróná xwiyíá mimayíóni néra wariñoi.” rinariñagi aría niwirane nání searayiñwini. ¹²Nene Áminá Jisasi Kiraiso tñni nawíni

ikárininŷwaéne enŷagi náni wiyíné e yarigíáyíné sekaxí niseairane enŷí rirémixí ripi oseaianeyi, “Píráníŷi niyuniri niŷweámáná segí omiŷí éfápimi dáni nimiro nírixini.” ¹³Negi nirixímeáyíné, segí wíniyi náni enŷí rirémixí e niseairi aí naŷí yarigíáyíné segí yarigíápi náni aniŷí niseainiri píni miwiárípani. ¹⁴Segíyi wí none searariŷwápi “Aríá miwipa oyaneyi.” wimónariŷíayo siŷwí mí niwómixiro “Ayí Poro neariŷípi aríá miwiarigíáyíríani?” niyaiwiro ayá winíwiniginiri ayí tíni gwiaumí minipani. ¹⁵E nero aí “Ayí nene tíni símisí eainiŷwáyíríani?” miyaiwí ségwáo sipí yaríná “Gí gwíáoríani?” niyaiwiro diŷí pírániŷi omoniri íkwairíri niwiríná urariŷíapa urírixini.

Yayí niwiowáriríná uriŷí nánirini.

¹⁶Ámináo —O áamá niwayiróniro ŷweapírípi náni míkí ikiŷorini. O pí pí seaímeáagi aí niwayiróniro ŷweapírí náni seaimixíwinigini. ¹⁷Poroni niwanigoni gí wé tíni yoparí ripi neari yayí seawárenapariŷini. Nioni payí nearíná yoparí síríwí e api eániŷagi niwiniríná “Poro eanŷíani?” yaiwipírí náni e eaariŷáriní. ¹⁸“Áminá Jisasi Kiraiso niyínéni wá seawianíwinigini.” nimónarini.